

Vol. 43		Issue No. 51		Ramhlun North: Ni 20 December, 2025	
BRANCH THU THAR ■ Saizahawla Section atangin Krismas pual thilpek atan Rs. 10,000/- leh Thlan laih nan Rs. 4,000/- kan dawng. SECTION THU THAR ■Saizahawla: Pu VR Mawia te chhungkua, S-Sec. chuan an fapa Pu Lalsangzela Renthlei (L) hriatreng nan FM Microphone tha tak mai min pe a, an chungah lawmthu kan sawi e. Section huam chhungah Krismas thilpek sem a ni bawk. CHIBAI BUKNA Kristiante hunpui Krismas kan lo thleng leh dawn ta reng mai. Pathian min hruaina zawng zawngah lawmthu sawi ila. Veng chhunga chhiattawh chungchanga Ramhlun North YMA leh khawtlang tanrualna hi hmuh hmai h rual a nilo. A ropui thlawt a ni. Krismas leh Kumthar vuakvetah sawrkar leh khawtlang duhloh thil lakah inthiarfihlim i tum theuh ang u. Krismas leh Kumthar hlim taka hmang theuh turin veng mipuite duhsakna sang ber ka hlan a che u. YMA vul zel rawh se. Pu Laldingliana Sailo President, RNYMA SUB. COMT THU THAR ■ Thlanmual Sub-Committee: Vawiin hian Thlanmual hmun te tifaiin hnatlang an nei a, tlai lamah zanriah an kil ho nghal ang. ■ Library Sub-Committee: Kumin atan YMA Library hi hawn a ni tawh dawn lova, Pathian zara kan dam chuan 17th Jan. 2026-ah hawn tan leh a ni ang. Lehkhabu kaw l lai nei ten dimdawi taka lo enkawla Li-brary hawn leh huna return thei tura lo inruahman turin kan ngen a che u. Tin, Pu Malsawmtluanga Hnamte, T-Sec. chuan Ramhlun North YMA Library-a dah turin lehkhabu, "Hnamte Unau Hla Robawm" tih Timothy Hnamte leh Lalnundika Hnamte ziah min pe a, a chungah lawmthu kan sawi.		Kohhran hrang hrang te Krismas hman dan tur (Ni 26 ah Ruai nen lawm dawn) Ramhlun North, the 20th December, 2025: Kumin a kan vengchhung Kohhran hrang hrang Krismas hman dan tur hetiang hi a ni. THE SALVATION ARMY: Krismas Ni hian chawhmaah Inkhawm neih a ni ang a, item hrang hrang Corps Band, Zaipawl ten hun an hmang ang, tin, inkhawm banah Corps pum huapin thingpui leh a hmeh tui hnai tak nen lawm a ni ang a, chawhma leh zan inkhawm banah lengkhawm neih a ni ang. December ni 26 Ruai niah Kohhran pum huapa Krismas ruai theh a ni dawn a, ruai atan hian - bawng pakhat leh vawk pakhat talh a ni ang a, hei bakah arsa leh sangha leh thlai hrang hrang te hmangin ruai buatsaih a ni ang. Ruai thehna hi chhungkuain thawh lovin Corps in a tum vek dawn a ni. ST. THOMAS CHURCH: Ni 25 Krismas-ah hian High Mass 12 Noon ah neih tur a ni a. Hemi zawhah hian Kohhran hall-ah Krismas programme leh Krismas chhangban leh thingpui inna hun hman a ni ang. Ni 26 hian Mass chhun dar 12:00 ah neih tum a ni a. Hemi zawh hian Kohhran hall-ah Krismas Celebration Programme Sunday School Department hrang hrang atang te hman tum a ni. Krismas bika ruai tur atan hian vawk pum 1 talh a ni dawn a. Hemi bakah hian ruai atan bawngsa leh sangha an ruahman bawk. PRESBYTERIAN KOHHRAN: RAMHLUN EAST: Krismas & Kumthar Lawmna Executive Committee hnuaiah Department pasarih awm in anni kaihhruaina in Krismas lawm turin an inbuatsaih mek a. Ni 21 December (Pathianni) chawhnu atangin Naupang Department ten inkhawmna an nei hrang anga, zan inkhawm banah Lengkhawm Department kaihhruaina in Kohhran Hall ah Lengkhawm hawwna an neiin kumdanga an lo tih thin angin instrument chikim nen thalai lamin an kaihruai ang. Ni 25 December Krismas Ni ah Krismas thingpui ruai kil ho in Ni 26 December-ah vawk 3, bawng 1, arsa leh sangha te siamin Krismas ruaipui kil ho turin an in ruahman. PRESBYTERIAN KOHHRAN: RAMHLUN NORTH: Krismas & Kumthar Lawmna Executive Committee hnuaiah Department pakua din a ni a, budget-ah 17, 12,000/- ruahhman a ni a, naktuk atang hian Krismas Naupang Department ten a hrangin inkhawm an nei tan tawh dawn a ni. Krismas bikah hian bawng 2, vawk 6, arsa 40 kg, sangha 30 kg. Ni 26 ah ruai theh a ni ang. BAPTIST KOHHRAN: Ni 23 zan ah Krismas Carol Service neih a ni ang a, ni 24 tanga ni 26 thleng Krismas Special Programme an nei ang. Inkhawm ban apiangin lengkhawm neih thin a ni ang a, ni 26 ah ruai theh a ni ang. Krismas ruaitheh ah hian bawng 1, vawk 4, arsa- 60 kg. ruahman a ni. Veng chhung Kohhran hrang hrang te Krismas hlim tak a hmang turin Ramhlun North Branch YMA chuan duhsakna sang ber kan hlan a che u a, Krismas chibai tha ber kan buk bawk a che u. KUM UP A TE KRISMAS THILPEK PE December ni 16, 2025 (Thawhle hni) khan Pi Evelyn Lalmangaihi w/o Dr Vanlalhlana, Aizawl North II bialtu MLA chuan bial chhunga kum upa te hnenah Krismas thilpek a hlan. Dr Mathlana hian kum hmasa lamah pawh kum upa te hi krismas thilpek a lo pe tawh thin a, kumin hian programme pawimawh a neih avangin a nupui, Pi Evelyn-i hian thilpek hi a hlan ta a ni. Aizawl North II huam chhung a kum upa, kum 80-90 mi 380 hnenah leh kum 90 chung lam mi 80 te hnenah krismas thilpek hi hlan an ni a, chung zingah chuan Ramhlun North atangin kum 80-90 inkar mi 108 leh kum 90 chunglam mi 17 an tel. Dr Mathlana hian Upa Pawl te tan MLA fund pawh a lo thehchhuak tawh thin a, hetiang a kum upa te ngaihsaktu bialtu MLA an neih avangin upa pawl te hian lawmthu an sawi a ni.			



Editorial

HUNPUIAH HLIMNA TLUAN TLING

Mizo Kristiante mai bakah khawvel a Kristian te hunpui chu kan hma lawkah a inchhawp ta rûn mai! A ðen mahni pian seilenna hmunah ngei, rual hluite nen kan hmang dawn nia an ti a. A ðen chuan, ðhianhoa hun hman dan tur suangtuahna nen kan lo in seprawtui hut hut bawk a. Lal Isua Birthday lawm tur kan nih erawh kan hai ta em niang le?

He Krismas hunah, kan kumpuan, "Ruihhlo Do" kawngah kan hnam, ram, sakhua a him theih nan leh ral mai lova he Mizo hnam hi a lo par chhuah a ropui taka hnam tih tham a kan awm zui zel theih nan kumin Krismas hian 'Ruihhlo Do' thei tura inhlan tharna min siam mawlh se la. Veng chhung nu leh pate leh mipui mimir zawng zawngte kan kumpuan "Ruihhlo Do" kawnga thawhhopui ah kan sawm che u a, in mi ðawiawmna hlu tak hmuh ngei kan in beisei.

Engpawh chu ni se. Krismas hi hlim taka hmang turin inruahman ðheuh i la, kan hmangaih kal tate erawh ngaihni an bang dawn lo nachungin hetiang hunah hian awm ve se kan ti vawng vawng ðhin. Hunpuiah hian hlimna tluan tling nei turin rilru insiam ang u.

Ðhalaite tan kan hun hman chinchhiah tlak tak, hriat reng a tana ðha lo tak erawh kan hnutchhiah ang tih a hlauhawm hle. Hlimna tluan tling, hriatreng a tana duhawm leh mawiin hman tum ðheuh ang u.

He hunpui avânga ruihhlo ti bul ðan te an awm nawk a, nulat tlangvalna lama chesual awmin kumthar hi an tan chuan KUMTHAR duhawm lohah a chang fo ðhin. Hetiang kawngah hian kan fimkhur zual a ngai a, nu leh pa pawhin kan fate chin kan ngaihven uluk a ngai zual ðhin. Inchhir hian awmzia a neih loh hun a thleng fo thin a nia. Chutiang ni lo tur chuan hlimna tluan tling nei turin hunpui i hmang ðheuh ang u.



KHAWTHLIR

CHRISTMAS CHANCHIN

Kum tin Christmas hi kan hmang ve ziah a, Christmas tih awmzia pawh hre lovin kan duh danin kan lo hmang ve tawp ðhin niin a lang. Chuvangin Christmas tih awmzia leh a ðobul tlemin han chhui îla, a ðha ang.

Christmas awmzia leh an lo hman ðanna

Christmas tih hi sap ðawng chuan "Mass of Christ" tih a ni a, chumi awmzia chu "Krista vânga puipun ni" tih a ni awm e. The Oxford Dictionary of Current English in a tarlan dan chuan "Christmas" tih chu "Annual Festival of Christ's birth, celebration on 25th December" tiin. Catholic encyclopaedia in Christmas tih ðawngkam lo chhuahna a tarlan dan chuan, "Christmas tih hi old english chuan 'Cristes Maesse' a ni a, Krista avânga puipunna tihna bawk a ni. He thumal AD 1038 khan an lo hmang ðan a, AD 1131 khan Cristes-messe tih thumal hi an lo hmang ðan bawk a ni. Greek Thuthlung Tharah Christ tih hming hmasa bera hawrawp X tia ziah a nih avângin vawiin thleng hian tam tak chuan Christmas lam tawi nan X-mas tih te pawhin an ziaik mai ðhin a ni.

Kum zabi 3 na vêl khan Rome khuah chuan December ni 25 hi Christmas ni atan an lo hmang ðan a ni. AD 1783 khan German Protestant Paul Ernst Jablonski chuan "December ni 25 hi Rome sawrkarin Ni (Sun) puala kût an hmanna ni a ni a, chumi hnung zui mai chuan hemi ni hi hmang kan nih avângin; kohhran tan thil ðha a ni lo," tiin a lo sawi a. AD 1889 khan Louis Duchesne-a pawhin "Christmas chu March ni 25 a ðânga chhiarin thla 9 na a ni e," tiin a sawi ve bawk. March ni 25 ah hian "Annunciation" kût an hmang ðhin. December thla leh January thla-a hman chungchangah hian vawiin thleng hian ngaihdan hrang a la awm. Khawchhak lam (Eastern Churches) kohhrante chuan January ni 6 hi Christmas ni atan an hmang a, Armenian Kohhran ho chuan vawiin thleng hian January ni 6 hi an la hmang a ni. AD 375 vel kân kohhran ho chuan December ni 25 ni hi Christmas holiday atan a puang. United States lam pawhin 1870 kum kân holiday atan an puang ve bawk a ni.

Hunlai hawl (medieval) vela an hman dan

AD 800 kân Christmas ni ah Charlemagne kha Emperor lukhum an hlan a, chuta ðang chuan Christmas hâpta hi a rawn lâr chho ta zel a. Tin, King Edmund pawh kha kum 855, Christmas niah Lal ni turin hriak thih a ni bawk a. AD 1066 kân Christmas niah King William I pawh England Lal lukhum hlan a ni bawk.

AD 1377 kân King Richard II chuan

Christmas lawm nan bawng pa 28 leh beram 300 thlawt mai a lo talh a. Hetih lai a ðâng tawh hian Christmas Carol hi an lo hmang tawh bawk a. Tin, Medieval hun lai a ðâng tawh hian mawi lo takin Christmas hi an lo hmang thin a, chin tawh nei lova rui lutuk te, pawisa chawia inkhelhna (Gambling) chi hrang hrang te nen hun an lo hmang a ni. Thilpek erawh kumtharah an inpe thung a.

Reformation leh Christmas

Kum zabi 19 na laia kohhran siam ðhatna hunlai kân Protestant hruaitu ðhenkhatte chuan an Christmas hman dan chu sawiselin, ran tam tak nunna hlohna leh sum tam tak senga thil inpek chiam hi Christmas hman dan tur a ni lo," tih thu an dinpui a. Roman kohhran chuan urhsun lehzual zawkin, sakhuaana lam hawiin Christmas chu an hman phah nghe nghe a. Chutih lai chuan England ah Civil War a chhuak a, King Charles I chuan hnehna a chang a. Ani hi sakhuaana-a mi duh tui mi a ni bawk a, kum 1647 kân public a hman chu a khap ta ngawt a ni. Chuti anga sawrkarin Christmas hman tawh fang a lo khap hnu, kum 1660 kumah King Charles II chuan zalen taka Christmas hman theih tiin a puang leh ta a ni.

America khawmualah Revolution beihpui an thlak lai vek khan, Christmas hi English ho custom a an ngaih avângin an ngai pawimawh lo hle a. President George Washington-a khan kum 1777, Christmas ni denchhen ngatin Hesian sipai ho kha a do a ni. Chu indona chu Trenton War tiin an ko. Chutih hunlai chuan America aiin German ramah Christmas chu a lâr zawk nghe nghe. Christmas boruak chu America khawmualah a reh hlen hlauhthawwna avângin kum 1820 bawr chho khan British ziaik mite an rawn che chhuak ta a. William Winstanly te, Charles Dicken te, Washington Irving te leh Clement Clearke Moore te hmangin Christmas chanchin rilru khawih tak tak ziah chhuah a rawn ni ta a. Kum 1870 khan President Ulyses-a chuan Christmas chu United States Federal Holiday atan a puang nghe nghe a. Tûnah phei chuan American 96% chuan zalen tak leh hlim takin Christmas hi an hmang a ni.

Mizote leh Christmas

Mizote hian Christmas hi kum 1903 a ðâng khan kan hmang ve ðan chauh a, Carol phei hi chu kum 1933 Christmas khan Revd. PD. Sena huaihawtna in ðhalai rualin "Chanchin lawmawm Angel ho thu ngai r'u," tih hla leh hla dangte sap hlain an sa a, Aizawl khawpui an fang a ni. Hei hi Mizo zinga Carol hmasa ber a ni. Kum 100 ðha chauh Christmas hmangah chuan kan hman dan leh sawngbawl vel dan hi a danglam chak hle a ni.

**ZIN & HAW**

■ Pu H. Lalruatlana, Ex-President RN YMA chu Mumbai atangin chawlh hmang in a lo haw.

■ Nl. Lalpekhlui d/o Ch. Lalnunkima, K-Sec. chu a zirna hmun Shillong atangin chawlh hmangin a lo haw.

■ Tv. K. Lalruathlua s/o K. Vungmanga, S-Sec. chu a zirna hmun Kolkata atangin chawlh hmangin a lo haw.

■ Pu Lalhnehzova, T-Sec. chu hna thilah Lamzawl ah a zin.

■ Tv. Samuel Lalmihriata s/o Lalmangaihzuai, V-Sec. chu a zirna hmun London atangin chawlh hmangin a lo haw.

■ Pu Vanlalthuama te chhungkua, N-Sec. Guwahati zin chu an lo haw leh ta.

■ Pi Lalhmingthangi w/o Pu V.L. Zahawma, V-Sec. Shillong-a in check-up a kal chu an lo haw leh ta.

■ Pu David Vanlalhruaia, V-Sec. chu a hna thawhna hmun Lunglei lamah a let leh ta.

■ Ruthi Lalduhawmi d/o R. Lalmuanawma, S-Sec. inentira lo haw chu a hnathawhna hmun Hmawngbu lamah a kal leh ta.

**THILDANG**

■ Ramhlun North YMA Zaipawl Hlui Group-te chuan Dt. 19.12.25 hian an thawhkhawm hmangin kumdanga an lo tih tawh thin angin luanchhuahna hun an hmanga, Reiek leh Ailawng lamah chhungkaw 5 tanpuina hun hmangin Lungpher leh Tualbung lamah chhungkaw 3 tanpui a ni bawk. Tanpuina atan hian Rs. 40000 chuang sem a ni.

■ Rev. C. Biakmawia dam loh laia portable comode hawh tirtu kha tunge an hrechhuak thei tawh lova. A neitu chuan khawngaihin hemi phone number ah hian min lo bia ula kan lawm hle ang. Ph: 8416048118

■ Ramhlun North Branch MHIP te chuan miharsa leh damlo mi 28 te hnenah Rs. 2000 theuh in Krismas pual present an pe.

**LEO PLUS**

Mipa pheikhawk Smart shoe, Loafers, Sneakers hrang hrang, Casual, Boot duhthlan tur kan nei e, hmeichhe Sneakers leh Naupang pheikhawk kan nei bawk.

Hitz Company, Intac School Shoe Dealer kan ni, School Shoe hrang hrang kan kawl bawk e.

D-67, 3rd Floor, Millennium Centre.
Contact : 8974773566/ 7005231315

LEI PIAH LAMAH

Pu K. Zosangliana,
K-79 h/o K.

Lalchhanhimi, C-Sec. chu ni 13.12.2025 dar 10:30 PM khan a boral a, a ruang hi lumen a ni a, a tuk ni 14.12.2025 chhun dar 12:00 ah Ramhlun North Thlanmual, Zemabawk ah vuiliam a ni.



Pi Thangmani, K-60

m/o Joseph K. Liankapa, K-Sec. chu ni 14.12.2025 dar 3:00 PM khan a boral a, a ruang hi lumen a ni a, a tuk ni 15.12.2025 chhun dar 12:00 ah Ramhlun North Thlanmual, Zemabawk ah vuiliam a ni.



Lusun khawhar chhungte thlamuantu Pathianin vengin awmpui mawlh rawh se.

DAMLO

■ Tv. Lalthanchhunga, ECM chu LRM Hospital-ah a khup zai a nih hnuin in lama inenkawl chhunzawm turin a lo chhuak.

■ Violet Zonunmawii d/o Vanrotluanga, C-Sec. chu natna hrang hrang vangin LRM Hospital-ah admit a ni.

■ Dr C. Lalarliana, T-Sec. chu Synod Hospital, Durtlang ah admit a ni.

■ Pu P. Lazuiliana, C-Sec. chu Ebenezer Hospital atangin a lo chhuak.

■ Pu Chalhmingthanga, C-Sec. chu Civil Hospital, Aizawl atangin in lama enkawl chhunzawm turin a lo chhuak.

■ Pu Lalhruaitluanga, V-Sec. chu Nazaret Hospital-a awm chu a lo chhuak leh ta.

■ Pu Lalramdina Sailo, T-Sec. chu a mit (eye) Civil Hospital, Aizawlah zai a ni.

■ Pu Ebenezer-a V-Sec. chu tun kar khan Ebenezer Hospital ah admit a ni.

■ Rev. Vanlalrova Khiangte N-Sec. chu natna hrang hrang avangin Synod Hospital, Durtlang ah enkawl mek a ni.

PAWL DANG

■ **Joint Action Committee, Ramhlun North**
Ramhlun North Mupui te hriattirna

Christmas leh Kumthar chhung hian Ramhlun North huam chhungah Ramhlun North Joint Action Committee te hmun hrang hrang ah duty in, chhun leh zanah veng chhungah round thin a ni dawn a. Ramhlun North huam chhungah ruihtheithil eng chi mah lakluh leh tih remtih a ni dawn lo a. Ruitheithil lo ti leh kawhmawh bawl zawng a khawsa kan awm chuan Police ah in pek hmak hmak tum a ni. Vengchung mipui ten hlim leh him tak a hunpui kan hman theih nan JAC ten theitawp chhuah in hma an la dawn.

Zanin atang hian an duty tan ang.

**LOCAL COUNCIL****Streetfood Dawr Kaihhruaina**

1) Streetfood Dawr siam mek leh siam tumte chuan Local Council hnenah inhriattir tur a ni a, Local Council te hriatpuina tel lo chuan dawr hawn phal a ni lo.

2) Dawr siamtu zawng zawngten kan ei tur zawrhte thianghlim leh tuihnai taka siam tur a ni.

3) Dawr hawn lai leh hawn loh lai pawhin kan hmun hma felfai taka enkawl tur a ni a, dawr khar dawnin fai taka thenfai tur a ni.

4) Dawr hawngtuten min dawrtuten thawm bengchheng an chhuah loh nan ruahhmana fel tak kan nei tur a ni.

5) Dawr hi zan lamah dar 1 thleng hawn phal a ni ang.

6) Foothpath leh mipui veivahna dal leh tichep thei laiah dawr hawn phal a ni lova, dawr awm sa behchhana kan siam anih pawhin vantlang kalna dal a siam phal a ni lo.

7) Ruihtheithil leh khawtlangin kan phal loh thilte zawrh leh kawl phal a ni lo.

8) Dawr neitu ten anmahni dawrtu te lirthei dah dan an enpui tel tur a ni.

9) Vengchung mi ni lo tan Dawr hawn phal a ni lo.

**LAWMAWM**

■ Vanlalvuana leh C. Vanlaltlanchhuahi d/o C. Lalmalsawma, K-Sec. te chu ni 18.12.2025 khan Thentlang ah an innei.

■ Aizawl Municipal Corporation (AMC) in kumina Aizawl veng hrang hrang kawm chei endikin, Ramhlun North kawm chei pawhin consolation prize Rs. 50,000 kan dawng.

■ **Karate:** Mizoram State Sports Council Golden Jubille Celebration, 29th AMKA State Karate Championship 2025, December ni 17th -19th a, Joint YMA Multipurpose Sports Complex, Vaivakawna neih zawh takah kan veng atanga tel hlawhtlinna chang te:

1. Jophiel Lawmkimi d/o John F. Lalrinsanga, N-Sec. Bronze Medal individual kata 5 years and below & Bronze Medal, Individual kumite 5 years and below.

2. Agatha K. Remruatpuii d/o A. Lalfakzuala, K-Sec. Bronze Medal individual kata 5 years and below & Bronze Medal, Individual kumite 5 years and below.

3. Cathy Malsawmtluangi d/o Kaptluanga, V-Sec. Gold medal, individual Kumite 7 years -35 kgs.

4. Joanna Lalhunruati d/o C. Laldampaia, V-Sec. Bronze Medal, Individual kumite 12 years -40 kgs.

5. Lalvensangi d/o Judith Lalmangaihzuai V-Sec. Gold Medal, 13 years Individual Kumite -50 kgs.

6. Lalfakawma Hnialum s/o H. Lalhruaitluanga, V-Sec. Bronze Medal, 5 years and Below Individual kata & Bronze Medal, Individual Kumite 5 years and Below.

7. Remsangpuia Hnialum s/o H. Lalhruaitluanga, V-Sec. Gold Medal, Individual Kata 6 years & Gold Medal Individual Kata -30 kgs.

8. Jared Lalruatfela Faihriam S/o John F. Lalrinsanga, N-Sec. Bronze Medal, 7 years Individual kata & Gold Medal 7 years individual kumite -25 kgs

9. Joel Vanlalruata s/o C. Laldampaia, V-Sec. Bronze Medal, 10 years, Individual kata bronze Medal & Gold Medal, 10 years Individual Kumite -40 kgs.

MARYMA	PHEK 4-NA	RN YMA CHANCHINBU
ARTICLE	ADVERTISEMENT	
KRISMAS LEH KEI.... (Engtin nge, khawiah nge i hman ve dawn le?) - Lalrothuangi Zote, Jt. Editor Hmanni chu kan thianpa pakhat ho zet, phawk zet hian "Kei chu Khrimat (Krismas pawh a ti tha peih lo) hi ka phur lo, thleng miah lo mahse, pawl ka ti eih lo," a rawn ti. Enga ti maw, kan tia, "Aaaaahh, sawi leh sawi hnu ka nau in nupui min neih khalh a, ka mu tlawm ur bik dawn a, kei lah kumtlwana single tur chi lo ni bawkn; a phur hian ka phur hlawl lo, ka zak....," a rawn ti deuh hlui. Kan nui hak, kei phei chuan "KTP i over hma te khan lak luh tur zawn nachang hre hek lo che, ar sual huai te kha buaipui lo la ni tur," ka lo tia, midangin min rawn thlawp sap sap. Ani lah, keh hui chungin "Hauuu eee, khatih lai khan ar sual huai kha ka bialnu tep a ni," a la rawn ti ham ham, engah vak chuan a ngai lem lo; a la insawisa let zui let ta nghal a, a nuih loh theih loh. Ni e, a mak pawh ka ti lo, kei chuan single tan chuan Krismas hman te pawh a ho lam ta viau mai thei. Mahse, kan ti nek nek a, kan hma lawkah kristiante nghahfak Krismas chu kan lo thleng leh dawn ta reng mai, engtin nge i hman ve dawn, tiin zawt tawp ta che ila, min chhan harsa fe fe chu in awm ngei ang le. Hei kan hmuh-a, kan hriat angin kan khawtlangah leh kohhran tinah inbuatsaihna pawh a kal mup mup reng a, mi chitinte kan hlimin kan lawm hle mai. A hmanna tur lamah hian engtin nge kan inruahman ve hlawn aw, hun tawite a ni a, eng pawh chu lo nise, thiante inah a ni emaw, lengkual velin emaw pawh lo ni ta se, a tha vek e. Mizote hian Krismas kan hman tanna hi a lo rei ve ta hle mai a. Kan hman dan pawh hi a hun a zirin a danglam ve zel a, kan in upgrade chho ve zel a, duh ai hian thlang sappui ho tihdan kan la mah mah tawh em aw, tihna chen ka nei thin. Amah erawh chu, Krismas dawn hnaih-a veng tin te'n, kawn an chei hi chu hmuh a nuam ka ti tak zet. Hei kher hi chu zep lovah chuan zawng chhang tlakah ka ngai. Kei ngei pawn Industry peng velah te chuan thla te pawh ka han la duh ve mahna, a nuam dawn em asin, vawt dawn hle mah se. Krismas kan hman dan tlangpui hi, a bik takin thalaite leh zawnglaite tan chuan programme han neih ve deuh te kha a mak hran awm love. Tun hma deuh atang tawh, thianzaho emaw in, tute in berah emaw ei turte siamin kan hmang ve thin a, a hlimawm ve hle. Mahse, hei a that lohna lai a tam hle a, zu leh hmeichhiate nen, thenkhat phei chuan ruihlote nen an chawhpawlh nuaih a, a tha lo hle. Khawilaiah emaw te chuan thianghlim taka hmang an awm mai thei a, an awm pawn an tam lo hle ang. Aw le, thiante nen, hman ho pui chak tak tak te nena han tih ho vel chu a phurawm ngawt ang. Kan lo hmang ho leh dawn ta a, hetih lai hian ngaihtuahna fim tak kan lo put lawk a - zu, drug, sex etc te tum lawk loh pui a tih ve thut a awl tih hre reng chungah fimkhur taka kan hman a tul ngei ang. Hetianga kan hman hona turah hian, harhfim tak leh thianghlim taka hman tum ila, thiante zingah pawh engmah ti ve duh lo ila, a thing pawla han tan chu a hun lai kha chuan a hreawm ngei ang, mah se nakin zel atan ti-a ngaihtuahna hmang tak leh rilru nei taka kan hman theih chuan, an la tifuh zawk dawn a ni. Mahni inlum theuhvah hman leh mai kha a remchang viau awm e. Hetia han hman hi thenkhat tan chuan a khawharthlak duh awm e, pawh kan ti mai thei. Mahse, leh lamah sum leh pai a hek lo a, pawn lam boruak tha lo tak tak kan pumpelh theih mai piah lamah T.V, Internet hmangin a inawm tlei a ni, tih hria ila, a nuam zawk daih ang (kei pawh hei ka hman tum dan a ni). Fel tak leh tha taka hman a nih chuan inti teh ang. Hetih laia a hmanna tha ber erawh Biakin a ni, ka ti lo thei lo. Engtin nge, khawiah nge Krismas i hman ve dawn le?		
KC TUI Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e. Ph: 7005010327 / 9774223462 (10-10)		
SP TUI Tui hna thianghlim, ei leh in tlak, litre 2000 pickup trip kan pe thei e. Mobile: 9615789047 (5-3)		
JM SEPTIC TANK SEVICE Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e. Rate: inbiak remna. (10-9) Registration: MRS 542 Contact: 9862476439		
SAWMA SEPTIC TANK SERVICE Septic Tank khat paih fai, commode block, pipe fit, soak pit thar siam engkim kan ti thei e. Rate: Inbiakremna Ph: 8119969364 (10-9)		
KHIANGTE SEPTIC TANK SERVICE Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-9) Contact - 9862344971 Bawngkawn South		
L.H SEPTIC TANK SERVICE Septic tank paihfai leh repairing engkim kan thawk thei e. Kum 17 chuang experience nei kan ni e. Rate:4500 per trip (30-28) Ph.6909183193		
TLUANGTEA SEPTIC TANK SERVICE <i>Septic tank khat paih leh repair kan ti thei reng a, rate chu inbiakremna a ni ang.</i> Contact: 6033373188/9612376373 (5-1) C/o Marina: 9436140350		
FANAISEPTIC TANK SERVICE Septic tank paihfai leh repairing engkim kan thawk thei a, experience tha tak kan nei e. Rate hi INBIAKREMNA (5-5) Mb. 9863524969/ 9366506115		
VANLALFELA SEPTIC TANK SERVICE Septic tank paih fai, commode block, pipe, soak pit tha lo leh a thar pawh kan siam theih reng e. Kan silhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm. Contact: 9436199884 (10-3)		
PUIASEPTIC TANK SERVICE Septic tank paihfai, commode block, pipe, commode fitting, soakpit leh a khur repairing engkim kan khawih thei e. Rate: INBIAKREMNA (10-3) 6909266562		
ARTUI WHOLESALE Artui thar tha WHOLESALE in kan zuar e. DIET peng, LAD Building Ph: 9862316107		
DIN DIN ELECTRICALS Electric Bungrua chi hrang hrang rate tlawm takin kan pe thei e. Ina awm chilh kan nih avangin engtiklai pawhin kan pan thei e. Ph: 9366102425 RAMHLUN NORTH PRESBYTERIAN HNUNG		
Published & edited by Eddie Lalfakzuala for and on behalf of Ramhlun North Branch YMA. Copies- 1,270		